

CORINTO MACÃRÃRË Pablo p̄arĩ jóaripũ

Ãñuduticorigue

1 Ȳu Pablo, Timoteo marĩya wedeḡumena múãrë ãñudutia. Ȳu Cõãmacũ booró Jesucristoyere wededutiḡu beseriḡu niiã. Ȳu atipũrë múãrë Cõãmacũrë padeorĩ põna macãrã Corintop̄u niirãrë jóaa. Teero biiri niipetira Jesurë padeorã Acaya ditap̄u niirãcãrë jóaa.

2 Múãrë Cõãmacũ marĩ Pac̄u, Jesucristo marĩ Õpũ ãñurë ticoaro; ãñurõ niirecutiri tiiáro.

Pablo ñañarõ netõríque queti

3 Cõãmacũ Jesucristo marĩ Õpũ Pac̄ure usenire ticoada. Cũrã marĩrë bóaneõ ññaĩ. Marĩrë wãcũtutuari tiirucú. 4 Ësã ñañarõ netõrecõrõ ãsãrë wãcũtutuari tiii. Teero tiirã, ãsãcã ãpẽrã ñañarõ netõrãrë wãcũtutuari tiimasã. Ësãrë Cõãmacũ wãcũtutuari tiirĩrobirora cúãrë wãcũtutuari tiimasã. 5 Cristo ñañarõ netõrĩrobiro ãsãcãrë bayiró ñañarõ netõrë jeaa. Teerora sũcã ãsã Cristomena niirĩcãrë, ãsãrë pee wãcũtutuare jeaa. 6 Ësã múãrë wãcũtutuari boorã, múãrë netõrĩ boosãrã, teero ñañarõ netõpacãra, nũcãjãã. Cõãmacũ ãsãrë wãcũtutuare ticorĩ, ãsãcã múãrë wãcũtutuari tiiadacu. Múã wãcũtutuara, múã ãsã tiirõbirora ñañarõ netõrã, tutuaromena nũcãjããdacu. 7 Múã ãsã tiirõbiro ñañarõ netõrĩ, Cõãmacũ múãcãrë wãcũtutuari tiigũdaqui. Teero

tiirá, “padeodúbocua” jĩrõ manirõ múãrẽ bayiró wãcũria.

⁸ Yáa wedera, ùsãrẽ Asia ditapu wáariguere múãrẽ masĩrĩ boogá. Ësã toopúre bayiró peti ñañarõ netõwú. “Sĩcãrĩbíricu; diajõããdacu”, jĩmiwũ. ⁹ “Ësãrẽ sããadacua”, jĩ wãcũmiwũ. Teero wãcũrã, ùsã basiro dee tii masĩriwũ. Teero tiirá, Cõãmacũ diarirare masõgúpere tiiápurere sãiwũ. ¹⁰ “Ësãrẽ sããadara tiiíya”, jĩrĩ, Cõãmacũ netõnẽwĩ. Atitõre netõnẽrucujã. “Too síropucãrẽ ùsãrẽ ñañarõ cúã tiidugári, netõnẽgũdaqui”, jĩ padeóa. ¹¹ Cõãmacũrẽ múã ùsãrẽ sãĩbosári, teero tiigũdaqui. Paũ ùsãrẽ sãĩbosári, Cõãmacũ añurõ ùsãrẽ tiiápugũdaqui. Cũũ teero tiirĩ ññarã, paũ ùsenire ticoadacua.

Pablo Corintopũ wáariguere wederigüe

¹² Ësã ateré wãcũrã, bayiró ùseniã: Atibárecopũre basocãre tiiditõro manirõ añurõ tiirécũtira niirucuwũ. Múã watoapucãrẽ teerora tiiwú. Teero tiirá, ùsã wapa cõohera, añurõ tũgueñaã. Ësã basiro ùsã masĩrémena teeré tiimasĩria; Cõãmacũ ùsãrẽ añurõ tiirémenape teeré tiimasĩã. ¹³⁻¹⁴ Múãrẽ ùsã merẽã jóaria; tũomasĩreno díçure jóarucua. Múã péerogã tũomasĩrõbirora niipetirere añurõ tũomasĩpetiri boogá. Teero tiirá, marĩ Ôpũ Jesús putuaatiri bæreco jeari, múã ùsãmena ùseniãdacu; ùsãcã múãmena ùseniãdacu.

¹⁵ “Teero wáaadacu” jĩ wãcũgũ, múãrẽ ññagũ wáasũguedugamiwũ. Múãrẽ ùsenirĩ tiidugágũ, puarĩ múã putopũ wáadugamiwũ. ¹⁶ Macedonia ditapu wáagũ, múãrẽ ññanetõwadugamiwũ. Toopú jearigũ, coeputúaatigu, múãrẽ ññacãmerputuaatidugamiwũ. Too yũũ jeari, múã

yuu Judeapuu wáaadare maquêrê tiiápubojuu.
 17 Yuu toopú wáaheri ñnarã, “¿añurõ wãcũripacu,
 ‘wáaguda’ jĩ wedeseyiri?” ¿jĩgari múã? Múã yuure
 “atibúreco macãrãbirora ‘wáaguda’ jĩrigu niipacu,
 ‘wáaria’ jĩgãno niiqui” ¿jĩgari? 18 Niiria. Yuu
 Cõamacũ diamacú maquêrê wedegú wãmemena
 múãrê jĩã: Ësã múãrê wederere wasoría.
 19 Jesucristo Cõamacũ macũ wasoríqui. Yuu,
 Silvano, Timoteocãmena múãrê cũye quetire
 wedetoawu. Cũ “tiigúda” jĩpacu, “tiirícu” jĩriyigu.
 Cũ jĩré diamacú maquê niã. 20 Niipetire Cõamacũ
 “añurõ tiigúda” jĩrigue Jesucristo tiiríguemena
 yaponói. Teero tiirá, Cõamacũrê usenire ticora,
 Jesucristo wãmemena “Cõamacũ teerora tiiáro”
 jĩã. 21 Cõamacũrã ãsãrê, múãcãrê Cristore
 padeorucújãrĩ tiii. Cũrã marĩrê Cristomena
 niãdarare beserigu niiwĩ. 22 Marĩrê cũ põna wáari
 tiirígũ niiwĩ. “Cũ põna niã” jĩrere masĩdutigu,
 Espíritu Santore marĩpũre ticodiocorigũ niiwĩ.
 Espíritu Santore marĩrê ticojĩgũ, nemorõrã
 “ãmũãsepũ marĩrê añurere ticogũdaqui” jĩmasĩrĩ
 tiii.

23 “Yuu Corintopuu wáaguda” jĩrigu niipacu,
 wáariwu. “Yuu wáaheri, múãrê nemorõ añucu”
 jĩ wãcũwũ. Múãrê bobooro wáari ñnadugahegu,
 wáariwu. Cõamacũ yuu teero wãcũriguere masĩqui.
 24 Múãrê “biirope padeoyá” jĩgũ mee tia.
 Múã añurõ padeóa. Múãrê añurõ useniremena
 ninemoãrõ jĩgũ, teero tiiápudugaa.

2

¹ Teero tiigú, múãrê bóaneõrã niirĩ tiidugáhegu,

wáariwɛ sũcã. ² Yɛɛ múãrẽ bóaneõrã niirĩ tiirí, ¿noãpé yɛɛre ɛsenirĩ tiibógari? Yɛɛ bóaneõrĩ tiirá yɛɛre ɛsenirĩ tiimasĩricua. ³ Teero tiigú, toopú wáarono tiigú, múãrẽ quẽnojeádutigu jóawɛ. Teeré jóagɛ, biiro wãcũwã: Yɛɛ máata wáaatã, múã yɛɛre ɛsenirĩ tiiróno tiirá, yɛɛre wãcũpatigu niirĩ tiibócu. Yɛɛ biiro wãcũã: Yɛɛ ɛseniremena jeari, múãcã ɛsenibojĩyu. ⁴ Yɛɛ tiipũrẽ jóagɛ, bayiró bóaneõremena, utirémema jóawɛ. Múãrẽ bóaneõrã niĩarõ jĩgũ mee jóawɛ. Múãrẽ yɛɛ maĩnetõrere masĩdutigu jóawɛ.

Ñãñaré tiiríguere acabó dutirigue

⁵ Sĩcũ basocú múã watoapɛ niigú marĩrẽ bóaneõrã niirĩ tiirígu niiwĩ. Yɛɛ dícuere teero tiirígu niiwĩ; múãcãrẽ teerora tiirígu niiwĩ. Múã niipetirapɛre bóaneõrĩ tiiríjĩyi. “Múã niipetirapɛre bayiró bóaneõrĩ tiirígu niiwĩ” jĩgũjã, jĩnemosãñu wedebocu. ⁶ Múã paɛ “cũũrẽ biiro ñãñarõ tiíada” jĩ, tiitóayiro. Nocõrõrã ñãñarõ tiiyá. ⁷ Ñãñarõ tiinemórõno tiirá, cũũrẽ acabóya. Cũũrẽ wãcũtutuari tiiyá. Múã teero tiihéri, cũũ bayiró bóaneõgũ wáaboqui. ⁸ Teero tiigú, múãrẽ cũũrẽ maĩrére ẽñodutía sũcã. ⁹ Yɛɛ múãrẽ too sugueropɛre ate maquẽrẽ jóawɛ: “¿Tee yɛɛ dutiriguere diamacúrã tiidugámĩ cúã?” jĩ masĩdugagɛ jóawɛ. ¹⁰ Cũũ tiiríguere múã acabóri, yɛɛcã acabóa. Yɛɛ wãcũrĩ, yɛɛre ñãñarõ tiiríjĩyi. Teero niipacari, múãrẽ maĩgú, cũũrẽ acabóa. Diamacúrã Cristo iñacoropɛ acabóa. ¹¹ Marĩ cũũrẽ acabóri, Satanás marĩrẽ netõnucãmasĩriqui. Cũũ tiirécũtirere marĩ ãñurõ masĩã.

Pablo Troaspɯ wãcũpatirigue

12 Yɯɯ Troas macãpɯ Cristoye quetire buegɯ jeari, paɯ cũũye quetire tɯodɯgáwa. Marĩ Ōpũ cũãrẽ tɯodɯgári tiirígɯ niíwĩ. Teero tiigú, buemiwũ.

13 Yɯɯ Tito marĩya wedegɯre buajeáhegɯ, bayiró wãcũpatiɯɯ. Teero tiigú, cũãrẽ “wáagu tiia” jĩ, Macedoniapɯ wáajõãwũ.

Cristomena ñañarére netõnɯcãrã niĩ

14 Cõamacũrẽ ɯsenire ticoa. Cũũrã Cristore ñañarére netõnɯcãrĩ tiirígɯ niíwĩ. Ŭsã cũũmena niijĩrã, ñañarére netõnɯcãrãbiro niĩã. Sitiaãñúre niipetiropɯ sesarobirora Cõamacũ ɯsãmena cũũye quetire niipetiropɯ masĩpetijõãrĩ tiii.

15 Cristo paiá tiirucúrobiro sitiaãñúremena Cõamacũrẽ sóepeogabiرو tiiquí. Ŭsã cũũye quetire wedera, sitiaãñúwarebiرو niipetiropɯ wáaa. Netõnénorira pɯtopɯ, pecamepɯ wáaadara pɯtopɯcãrẽ cũũye queti jeaa.

16 Pecamepɯ wáaadara “sitiaãñúre pũni niicu” jĩ wãcũrãbiرو ɯsã wederére tɯsaricua. Netõnénorirape ɯsã wederére bayiró tɯsacua; “catiré ticoré niĩã” jĩ wãcũcua. Cõamacũ tiiápuriatã, noãpé tee quetire wedemasĩña manibójĩyu.

17 Ŭsã ãpẽrã tiiróbiرو Cõamacũye quetire wedera, wapasécãmesãria. Teero tiiróno tiirã, Cõamacũ ticocorira Cristomena niijĩrã, Cõamacũ ññacoropɯre cũũye quetire jĩditoro manirõ wedea.

3

Mama netõnére quetire bueré

1 Ŭsã “Cõamacũye quetire diamacũrã buea” jĩĩrã, ɯsã basiro ɯsãye maquẽrẽ ãñurõ wedesera mee tiia. Ŭsã basiro “diamacũrã buea ɯsãjã”

jĩria. Teero biiri “cũã diamacũrã bueeya” jĩripũrẽ ãpẽrã ãsãrẽ jóabosari boorĩa. Mũã teero jĩripũrẽ ãsãrẽ jóaricãrẽ boorĩa. ãpẽrãjã teero jĩripũrẽ “jóabosaya” jĩĩ sãĩcũã; ãsãpeja sãĩrĩa. ² Mũãrã “cũã Cõãmacũyere ãñurõ bueeya” jĩripũbiro ni-ijãrã tiia ãsãrẽ. Ësã mũãrẽ “tiipũbirora niijãrã tiĩya” jĩĩ, ãñurõ yeeripũnacũtia. Niipetira mũãrẽ masĩari siro, “Pablocã cũãrẽ diamacũrã buejĩya” jĩĩcua ãsãrẽ. ³ Ësã mũãrẽ bueri siro, mũã ni-irecũtiremena “Cristo jóaripũ niijãrã tiia” jĩĩ ãñoã. Tiipũrẽ jóarigũmena jóaya maniwũ; ãtãpĩpũre jóaya maniwũ. Espĩritu Santo mũã wãcũrẽpũre jóarigũ niĩwĩ. Mũã wãcũrẽre wasorĩgũ niĩwĩ.

⁴ Ësã Cristomena niijĩrã, Cõãmacũrẽ bayirõ padeojĩrã, mũãrẽ “Cristo jóaripũ niijãrã tiia” jĩĩã. ⁵ Apeyenõ tiimasĩrere “ãsã basiro masĩwũ” jĩĩmasĩña maniã. Niipetire ãsã tiimasĩre Cõãmacũ ticorẽ niĩã. ⁶ Cõãmacũ ãsãrẽ basocãre buemasĩrere ticorigũ niĩwĩ. Teero tiirã, mama netõnẽre quetire buea. Tee quetire basocãre buera, “ate jóariguere tiiyã” jĩĩ bueria; “Espĩritu Santo boorẽpere tiiyã” jĩĩ buea. Dutirẽ jóariguere tiihẽra pecamepũ wãacua. Espĩritu Santope catirẽ petihẽre ticogũ niĩĩ.

⁷ Cõãmacũ Moisẽre cũũ dutirẽ cũũrigũre ticogũ, ãtãpĩpũ jóayigũ. Tee dutirẽ marĩ netõnũcãre wapa sããcõãdutire niĩyiro. Marĩrẽ sããcõãdutire niipacaro, ãñunetõjõãre niĩyiro; asibatẽremena jeayiro. Moisẽya diapóacã bayirõ asibatẽyiro. Teero tiirã, Israelya põna macãrã cũũya diapóare ãñacõãtumasĩriyira. Jõõpemena cũũ asibatẽre petiwãyiro. Tee dutirẽ ãñurẽ niĩyiro. ⁸ Toorã nemorõ Espĩritu Santo basocãmena

niiãdare quetipe ãñunemoã. ⁹ Tee dutiré “basocá netõncãrãrẽ ñãnarõ tiiãdacu” jĩrigue asibatéremena jeyairo; ãñunetõjõãre niyiuro. Toorá nemorõ “Cõãmacũ basocãre ‘ãñurãrã niiĩya’ jĩĩ ñãgũdaqui” jĩĩrẽ quetipe ãñunemoã. ¹⁰ Tee ãñunemorere marĩ ãñurõ ñãrĩpereja, tee dutiré ãñurẽ asibatéremena jeariguaepe búri niirẽ pũtũájãã sãa. ¹¹ Tee dutiré ãñurẽ asibatéremena jeariguaepe petiãdare niyiuro. ãñunemorepe petiriãdare niiã. Teero tiiró, tee dutiré nemorõ ãñunetõncãã.

¹² Ƴsã petiriãdarere cotera, useniyuetooa. Teero tiirã, diamacã, cuiro manirõ wedea. ¹³ Ƴsã Moisés tiirõbiro tiirã. Cũũya diapõa asibatere “mãata petiãdacu” jĩĩgũ, suti caseromena búatoyigũ, Israelya põna macãrã tee petiwãri ñãriããrõ jĩĩgũ. ¹⁴ Cũã tũoriyira. Atitócãrẽ tee bũcu dutirere bueri tũorã, tũoriya. Tiisuti caserora Cõãmacũ asibatere búatorobiro niitooa cúãrẽ. Teero tiirã, netõnére maquẽrẽ tũoriya. Jesurẽ padeorĩpereja, Cõãmacũ cúãrẽ tũorĩ tiiquí. ¹⁵ Atitócãrẽ Moisés jóariguere bueri tũorã, tũoriya. Cũã tũomasĩre suti casero búatorobiro niijãã ména. ¹⁶ Marĩ Ƴpũrẽ padeogãno dícu tũoquí. Cõãmacũ cũũrẽ tũorĩ tiiquí; tiicasero pãõrõbiro wãacu sũcã. ¹⁷ Marĩ Ƴpũ, Espĩritu Santomena sĩcãrã niiĩ. Teero tiirã, Espĩritu Santo marĩmena niirĩ, marĩ cãmotãro manirõ Jesumãna ãñurõ niimasĩã. ¹⁸ Teero tiirã, marĩ niipetira dupupũ búatori casero manirã niijĩrã, cũũ ãñurõ asibatere ñãamasĩã.* Teero tiirã, jõõpemena cũũbiro wãara tiia; cũũyere cõonemoã. Tee niiã

* **3:18** O “cũũ ãñurõ asibatere ãñomasĩã”.

marĩ Õpũ tiiré. Cũũrã, Espíritu Santomena sícũrã niĩ.

4

¹ Cõãmacũ ùsãrẽ ãñurõ tiigú, Jesuyé quetire wedeadarare cũũrigũ niiwĩ. Teero tiirá, wãcũtutuhera niiria. ² Bobooro tiiré, basocá ññahẽrõpũ ñañaré tiiré doo niĩ. Cõãmacũye quetire jĩditoremena wederia. Teero jĩrõno tiirá, tee quetire wasoró manirõ, diamacú wedea. Teeména Cõãmacũ ññacoropũre ùsã wederé basocá “diamacúrã wedeeya” jĩ wãcũrĩ booa. ³ Basocáre netõnére quetire ùsã wederi, ãpẽrã cúã wãcũrére búatonorirabiro niicua; tũorícua. Tee quetire tũohérano pecamepũ wáaadara niicua. ⁴ Cúã padeohére wapa atibáreco macãrã õpũ Satanás cúãrẽ tũoñemasĩhẽrã wáari tiiquí. Teero tiirá, basocáre netõnére queti bóere niipacari, ññamasĩricua. “Cristo ãñunetõjõãgũ Cõãmacũ niiré eñogú niĩ” jĩrére tũomasĩricua. ⁵ Ûsã basocáre wedera, “biro niĩ ùsãjã” jĩ wederia; “Jesucristo basocá Õpũ niĩ” jĩrépere wedea. Ûsãyepereja wedera, “Jesuré maĩrémena múãrẽ padecotera niĩ” jĩ wedea. ⁶ Biro niĩ: Cõãmacũ basirora sicatopũ atibáreco naĩtĩãrõ niimiriguere bóeri tiirígũ niiwĩ. Teeré tiiróbiro cũũrã marĩye yeeripũnarĩpũ bóeri tiirígũ niiwĩ. Teero tiirá, marĩ Cristore masĩrémena Cõãmacũ ãñurõ niirecutirere masiã.

Marĩye õpũũrĩ mama õpũũrĩmena wasoádacu

⁷ Ûsã Cõãmacũye queti wederá búri niirã niĩ. Diiména tiiréparũ wapapacáre posecutíreparũbiro

niiã. Teero tiigú, Cõãmacũ ùsã wederémèna cũũ tutuarere ãñoquí. Ësã basiro tutuare cuoríã. ⁸ Pee ñañarére netõpacára, bayiró peti wãcũpatiria. Wãcũpatipacara, “¿deero wáaadariye?” jĩria. ⁹ Basocá ùsãrẽ ñañarõ tiidugápacari, Cõãmacũ ùsãrẽ cõãwarii. Ësãrẽ páanecõãcũpacara, sĩãríya. ¹⁰ Ësã noo wáaro Jesuré sĩãrírobirora ùsãcãrẽ sĩãjãmiwã. Ësã ñañarõ netõrĩra niipacara, catia. Teero tiigú, Jesús cũũ catirére ùsãmèna ãñoĩ. ¹¹ Ësã catiró jeatuaro Jesuyé quetire wederé wapa sĩãrĩquio niiã. Teeména Jesús ùsãye õpũũrĩ bóaadare õpũũrĩmèna cũũ catirére ãñoĩ. ¹² Ësãpere sĩãrĩquio niiã. Múãpe catiré petihére buaa.

¹³ Cõãmacũye queti jóaripũpũ biiro jóanoã: “Yũũ padeowú; teero tiigú, wedesewũ”. Teerora jĩã ùsãcã: Ësã padeóa; teero tiirã, wedesea. ¹⁴ Ësã ateré masĩjĩrã, wedesea: Cõãmacũ Jesús marĩ Õpũrẽ diarigũpũre masõrigũ niiwĩ. Teero tiigú, ùsãcãrẽ cũũmèna masõgũdaqui. Ësãrẽ, múãrẽ sĩcãrõmèna cũũ pũtopũ néewagũdaqui. ¹⁵ Ësã múãye ãñuré niĩãdarere boosãrã, niipetire ùsã ñañarõ netõrére nũcãjãã. Teeména ãpẽrãcã Cõãmacũ ãñuré tiorére masĩjĩrã, cũũrẽ usenire ticoadacua. Jõõpemèna paũ peti cũũrẽ usenire tico, “ãñunetõjõãgũ niĩ” jĩñemoãdacua.

¹⁶ Teero tiirã, wãcũtutuarucujãã. Sotoápere bũtoá wáapacara, popeapũre búrecoricõrõ nemorõ tutuanemoã. ¹⁷ Biiro wãcũã: Ësã atibúrecopũ ñañarõ netõré máata petiãdare niiã. Tee ñañarõ netõré wapa apeyé nemorõ ãñuré bũããdacu. Bayiró useniremèna cũũ pũtopũ niirucujããdacu. ¹⁸ Ësãrẽ baurocá wáarere wãcũnũnũseria.

Bauhérepere wăcŭnŭnŭsea. Baurocá wáare petiádacu. Bauhérepe niirucujăădacu.

5

¹ Marŭye ôpŭŭrŭ muŭ wiseri marŭ niiré wiseribiro niia. Tee wiseri tiiróbiro marŭye ôpŭŭrŭ bóaadacu. Cŭămacŭpe ŭmŭăsepŭăă ãñuré wiseri petiríadarere quēnoyúetoaqui. Tee wiseri basocá tiirígue mee niicu. ² Ate diamacără niia: Marŭănopú niiră, ñañarŭ tŭgueñaă, ŭmŭăse niirí wiipŭă wáadŭgara. ³ Tiiwiŭ sutiró tiiróbiro cămotăadacu, sutimanírăbiro niirijăărŭ jŭră. ⁴ Marŭătibúrecopŭăre ate ôpŭŭrŭmena ñañarŭ netŭă. Teero tiiră, ñañarŭ tŭgueñaă. Marŭye ôpŭŭrŭrē cŭădŭgara mee teero jŭă, ŭmŭăsepŭăă niădare ôpŭŭrŭpere wasorí booră. Tee niirucuari ôpŭŭrŭ wasorí, bóadari ôpŭŭrŭ petiádacu. ⁵ Cŭămacără marŭrē teero wáadarere quēnoyúerigŭă niiwŭ. Cŭă marŭrē ãñurŭ tiiădarere masŭsŭguedutigŭă, Espŭritu Santore ticodiocosŭguerigŭă niiwŭ.

⁶ Teero tiiră, padeorucúa. Ateré masŭă: ŭsă ate ôpŭŭrŭmena niiră, Cŭămacŭmena niiria ména. ⁷ Cŭărē ŭñaripacara, cŭă jŭrŭguere padeonŭnŭsea; teeména niia. ⁸ Teero tiiră, ateré wăcŭră, padeŭă: Ate ôpŭŭrŭrē cŭăjădŭgamiga, Cŭămacŭmena niiră wáadŭgara. Cŭămena niirŭ, nemorŭă ãñuniădacu. ⁹ Teero tiiră, ate ôpŭŭrŭmena niiră, o niirucuari ôpŭŭrŭmena niirăcă, Cŭămacŭrē teerora ŭsenirŭă tiirucŭjădŭgaga. ¹⁰ Cristo wapa tiiădari bŭreco jeari, marŭăniipetira toopú niădacu. Basocăcŭrŭrē marŭye ôpŭŭrŭpŭă tiirŭguere Cristo masŭăqui. Ăpŭrăă ãñurŭrē ñeeădacua; Ăpŭrăpé ñañarŭrē ñeeădacua.

Cõãmacũmena añũurõ niirecutire maquẽ

11 Æsã teeré masĩjĩrã, marĩ Õpũrẽ quioníremena ãnarã, basocãre “ũsã wederere diamacã maquẽ niiã” jĩĩ pãnarĩ tiia. Cõãmacũpe ãsãrẽ masĩtoai. Mũãcãrẽ teerora ãsãrẽ masĩrĩ booa. 12 Æsã basiro ãsãye maquẽrẽ añũurõ wedesera mee tiia sũcã. Æsãrẽ añũurõ masĩ, useniremena wãcũãrõ jĩĩgũ, mũãrẽ jóaa. Teeré masĩrã, ãpẽrã buerĩ basoca ãsãrẽ ñañarõ wedeseri, mũã cũãrẽ yũũmasĩãdacu. Cũã sotoã maquẽ dícu baurere wãcũrã, yeeripũna maquẽrẽ wãcũhẽrã niicua. 13 Mũã ãsãrẽ “mecũrã tĩĩya” jĩĩbocu. Æsãpe “Cõãmacũ booró tiirã tiia” jĩĩ yũũadacu. Mũã apetóre ãsãrẽ “mecũrĩya” jĩĩbocu. Æsãpe “mũã añũurõ niãdarere boosãrã, teero tiia” jĩĩ yũũadacu. 14 Cristo ãsãrẽ maĩrĩ ãnarã, cũũ dutirere tiia. Ateré masĩnoã: Sĩcũ niipetirare diabosarigu niĩwĩ. Teero tiirã, niipetira cũũmena diarira tiiróbiro pũtuájĩyu. 15 Cristo niipetirare diabosarigu niĩwĩ. Catiré petihẽrere cũorã cũã booró tiirĩããrõ jĩĩgũ, teero tiirĩgu niĩwĩ. Cũũ boorẽpere tiiaro jĩĩgũ, cũãrẽ dia masãbosarigu niĩwĩ. 16 Teero tiirã, ãsã basocãre ãña, wãcũrã, atibũreco macãrã wãcũrõbirora wãcũria. Too sugueropũre ãsã Cristore atibũreco macãrã wãcũrõbirora wãcũmiwũ. Mecũtĩgãrẽ teero cũũrẽ wãcũria sãa. 17 Cristo cũũmena niigãnorẽ cũũ niirecutirere wasorĩ tiĩquí. Cũũ too suguero tiirĩguere tiinemórĩqui sãa; mama dícu niicu cũũpare.

18 Cõãmacũrã niipetirere teero wãari tiĩquí. Cũũrã Cristo diariguemena ãsãrẽ cũũmena añũurõ niirecutiri tiirĩgu niĩwĩ. Niipetirare teero niĩrĩ boogũ, ãsãrẽ cũũye quetire wededutigũ cũũrigũ

niiwĩ. ¹⁹ Tee queti biiro niiã: Cõãmacũ Cristo diariguemena atibúreco macãrãrẽ cũũmena ãñurõ niirecutiadarere cũũrigũ niiwĩ. Cũã ñañaré tiirere petirí tiirígu niiwĩ. Niipetirare cũũmena ãñurõ niirecutiri boogú, ãsãrẽ cũũye quetire wededutigũ cũũrigũ niiwĩ. ²⁰ Teero tiigú, Cõãmacũ ãsãrẽ Cristore wasorá niĩrõ jĩgũ, ticocorigũ niiwĩ. Cõãmacũ ãsã wederémene basocáre boocói. Teero tiirá, Cristo wãmemena Cõãmacũmena basocáre ãñurõ niirecutidutia. ²¹ Cristo péerogã ñañaré tiirípacari, Cõãmacũpe marĩ ñañaré tiiré wapa cũũrẽ ñañaré tiirígubiro ñañarõ netõrĩ tiirígu niiwĩ. Teero tiiríguemena marĩ Cristomena niirĩ, Cõãmacũ marĩrẽ wapa cõohérare tiiróbiro ññaĩ.

6

¹ Æsã Cõãmacũyere padeapuri basoca niijĩrã, “cũũ múãrẽ ãñurẽ ticorere teero ññacõãrijãña” jĩã.

² Cõãmacũye queti jóaripũrũ biiro jĩ jóanoã:
Cõãmacũ ateré jĩĩ:

“Yũũ basocáre ãñurõ tiirító niirĩ, mũũ sãĩríguere tũowú.

Yũũ netõnéri bũreco niirĩ, mũũrẽ tiíápuwũ”,*
jĩ jóanoã. Tũoyá. Mecãtígã cũũ teero tiirító niiã.
Mecãtígã cũũ netõnéri bũreco niiã.

³ Æpẽrãrẽ ãsã Cõãmacũye paderere ñañarõ wedeseri booríã. Teero tiirá, basocáre ñañaré tiieñoria, “Cõãmacũrẽ padeoríbocua” jĩĩrã. ⁴ Biirope tiia: Niipetire ãsã tiirémene, ãsãrẽ wãaremena “Cõãmacũye paderá niiã” jĩĩrere eñoã. Æsãrẽ merẽã wãari, nũcãjãã; apeté bayiró ñañarõ netõã; ãsãrẽ apeyenó dũsaa; wisióre tũgueñaã; ⁵ ãsãrẽ

* **6:2** Isaías 49.8.

tãnaãya; peresu wiip̄ sōnecoya; acaribítutire wáaa; bayiró padea; apetőre cãniría; teero biiri j̄abóaa.

⁶ Āpērārē ñañarō tiiría; diamacú maquērē masiã; ūsārē merēã wáari, potocōrō manirō niiã; āpērārē bóaneō ññaã; Espíritu Santo tiiapuremena padea; āpērārē j̄ĩditoro manirō maĩã; ⁷ diamacúrã wedea; Cõãmacũ tutuarere c̄oaa. Ūsã Cõãmacũyere paderá surarabiro niiã. Ūsã wãmocutíre ūsã diamacú tiiré niiã. Teeména surara cãmerĩsĩārã wáarabiro Cõãmacũyere wedera wáaa; ūsārē cãmotádugara ūsārē docacũmurĩ tiimasĩriya. ⁸ Āpērã ūsārē padeorémēna ññaãya; āpērāpé padeoríya. Āpērã ūsārē añurō wedeseya; āpērāpé ñañarō wedeseya. Ūsã diamacú maquērē wedepacari, āpērã ūsārē “j̄ĩditori basoca niĩya” j̄ĩ ññaãya. ⁹ Niipetira ūsārē masĩpacara, sĩquērã ūsārē ññamasĩhērã tiiróbiro ññaãya. Apetőre ūsārē sĩãdugápacari, niirucua. Cũã ūsārē ñañarō tiipacára, siãríya. ¹⁰ Ūsã bóaneõpacara, ūsenirucujãã. Ūsã apeyenó c̄orípacara, ūsã buerémēna āpērārē pee c̄orábiro niirĩ tiia. Apeyenó c̄orípacara, niipetire c̄orábiro niiã.

¹¹ Yáa wedera Corinto macãrã, yayióro manirō múārē ūsã wãcūrēre wedepetijãã. Ūsã múārē bayiró maĩrēre eñoã. ¹² Cãmerĩ maĩré manirĩ, múãye wapa niiã; ūsãpe múārē bayiró maĩmíã. ¹³ Sícũ cũũ pōnarē wederobirora ȳacã múārē wedeguda: Ūsã múārē diamacú maĩrõbirora múãcã ūsārē maĩñá.

Marĩ Cõãmacũwĩbiro niiã

¹⁴ Jesuré padeohéramēna cãmeyiorijãña. Diamacú tiirã diamacú tihéramēna niimasĩricua.

Bóeropu niirã naĩtĩārõpu niirãmena niimasĩricua.
 15 Cristocã Satanámena sĩcãrĩbíro wãcũricua.
 Teerora sũcã padeogú, padeohégumena sĩcãrĩbíro
 wãcũricua. 16 Cõãmacũwiipure Cõãmacũ díçure
 padeoró booa; weerirare padeorĩjárõ booa.
 Marĩpe Cõãmacũ catirucugumena niijĩrã,
 Cõãmacũwiibiro niĩã. Cũũ basiro biiro jĩrigu niuwĩ:
 “Cũãmena niigũdacu; cũã watoapu cãmesãgũdacu.

Yuu cũã Òpũ niigũdacu; cũã yáara niĩadacua.†

17 Teero tiirã, ñañarã p̄topu niimiãrira witiwa-
 jõãña”, jĩĩ marĩ Òpũ.

“Niipetire ñañaré tiirére tiirĩjãña.‡

Teero tiirĩ, yuu múãrẽ ñeegũda.

18 Yuu múã Pacu niigũda;

múã yuu põna niĩadacu”, jĩĩ marĩ Òpũ
 tutuanetõjõãgũ.§

7

1 Teero tiirã, yáa wedera, yuu maĩrã, Cõãmacũ
 “teero tiigũda” jĩriguere masĩrã, niipetire marĩ
 ñañaré tiirére duujããda. Marĩye õpũãrĩrẽ ñañorére,
 marĩ wãcũré ñañorére duuáda. Cõãmacũrẽ
 quioníremena padeojĩrã, cũũ booré díçure tiíada.

Corinto macãrã wãcũre wasoríque

2 Ûsarẽ maĩñã. Sĩcãrĩ múãrẽ ñañarõ tiiríwu;
 múã padeorécãrẽ ñañoríwu; múãyere jĩiditoremena
 néeriwu. 3 Yuu múãrẽ “wapa cõorã niĩya” jĩigũ
 mee tiia. Yuu too sũguero jĩĩrirobirora múãrẽ maĩã.
 Teero tiirã, marĩ catira, sĩcãrõména niĩã. Diaracã,
 sĩcãrõména niirucudacu. 4 Yuu múã ãñurõ tiiré

† 6:16 Levítico 26.1; Ezequiel 37.27. ‡ 6:17 Isaías 52.11. § 6:18
 2 Samuel 7.14; 1 Crónicas 17.13.

quetire tʉogú, “teerora tiirucúadacua” jĩ wācũwã. Āpērārē múã ãñurõ tiirére useniremena wedea. Teero tiigú, ñañarõ netõpacú, wācūtutua, bayiró useniã.

⁵ Macedoniapɯ coerí siro, ãsã yeerisãre buaríwɯ. ʉsã noo wáaro ñañarõ netõwú. Āpērã ãsãmena cãmerĩ cúasodɯgawa. Múã ãsã buerirare wācũgã, bayiró wācũpatiɯ. ⁶ Cõãmacũ bóaneõremena niirãrē wācūtutuari tiigúpe Tito ãsã putopɯ jearémēna ãsãrē wācūtutuari tiiwĩ. ⁷ Cãũ jearémēna díçɯ wācūtutuariwɯ. Múã cãurē wācūtutuari tiiriguere tʉorá, nemorõ wācūtutuanemowã. Múã yɯure ññadɯgarere, múã wācũpatiriguere, múã yɯure wācũrere wedewi. Teeré tʉogú, toorá nemorõ useninemowã.

⁸ Yɯũ múã ñañaré tiirére múãrē jóaripũmena múãrē bóaneõrã niirĩ tiiwú. Mecũtígãrē teeré wācũpatiria. Too sɯguero “yɯũ jóaheri ãñunibojĩyu” jĩ wācũmiwã. Teeré mecũtígã wācũria. Múãrē bóaneõrĩ tiipacú, yoari bóaneõrĩ tiirĩjĩyu. ⁹ Mecũtígã yɯũ useniã. Múã bóaneõriguere wācũgã mee useniã. Múã bayiró bóaneõriguepe múãrē wācũpati, wasorĩ tiiyiro. Teero tiigú, useniã. Cõãmacũ booróbirora múã ñañaré tiiriguere wācũ, bóaneõyiro. Teero tiiró, ãsã múãrē jóacoripũ múãrē ñañarõ tiirĩjĩyu. ¹⁰ Marĩ Cõãmacũ booróbirora bóaneõrã, wācũpati, wasoa. Teemēna netõnénoã. Too síro “ñañaré tiitú” jĩña maniã. Atibúreco macãrãpe cũã ñañaré tiiriguemēna bóaneõjãcua. Bóaneõpacara, pecamerɯ wáacua. ¹¹ Múãpe Cõãmacũ tusaróbirora bóaneõrĩ, ate ãñuré putuáyro: Múã watoapɯ wáariguere “quẽnoãda” jĩyiro; “too sɯgueropɯre marĩ diamacú

tiiríjĩyu; mecūtígã diamacú tiia sáa”, jĩĩyiro; múã watoapũ wáariguere múã yoari teero ñnariguere wãcũrã, cúayiro; “Cõãmacũ marĩrẽ ñañarõ tiibóqui”, jĩĩ wãcũrã, cuijõãyiro; yũũ múãrẽ ññagũ wáari booáyiro; diamacú maquẽrẽ tiidũgáyiro; “ñañaré tiigũre diamacú ñañarõ tiíadacu”, jĩĩyiro. Niipetire teero múã tiirémema múã wapa cũohérere ãñooyiro. ¹² Teero tiigũ, múãrẽ jóagũ, ñañaré tiirígũyere, teero biiri ñañaré tiinógũye dícre wãcũriwũ. Múãye niiãdarere bayiró wãcũwũ. Múã Cõãmacũ ññacoropũ ãsãrẽ bayiró maĩã sáa. Teeré masĩdutigu múãrẽ jóawũ. ¹³ Teero tiirá, múã ãñurõ tiirémema ãsã wãcũtutuawũ.

Teero wãcũtutuara, Tito bayiró ãsenirĩ ññarã, toorã nemorõ ãseninemowũ. Múã niipetirapũra cũũrẽ ãñurõ tũgueñarĩ tiirira niiwũ. ¹⁴ Tito múã pũtopũ wáaadari sũguero, yũũ múãmena ãsenirere cũũrẽ wedewũ. Cũũ toopũ jeari, yũũ jĩĩrirobirora wáyiro. Niipetirere ãsã múãrẽ wederiguere diamacũrã wedewũ. Teerora ãsã Titore múãye maquẽrẽ wederiguesã diamacũrã niiwũ. ¹⁵ Múã cũũrẽ quioníremema bocayiro. Cũũ dutirere yũũyiro. Múã teero tiirígũre wãcũgũ, múãrẽ nemorõ maĩnetõneĩ. ¹⁶ Yũũ múãrẽ padeóa; “ãñurõ tiíadacua” jĩĩgũ, bayiró ãseniã.

8

Ticodũgaro jeatuario ticodutire

¹ Yáa wedera, ãsã ateré múãrẽ masĩrĩ boogã: Macedoniapũ Jesuré padeoré põnarĩ macãrãrẽ Cõãmacũ ãñurẽ ticorigũ niiwĩ. ² Cũã bayiró ñañarõ netõpacára, diamacú tiirira niiwã. Teero ñañarõ

netõpacára, bayiró useniwã. Cúã bóaneõrã peti niipacara, pee apeyé cʘorá tiiróbiro ãpẽrãrẽ añurõ tiiápuwa. ³ Cúã booró cúã cʘoró jeatuaro cúã cʘorére ticowa. Cúã “ticoada” jĩãriro nemorõ ticowa. Yʘú cúãrẽ teero tiirí iñawũ. ⁴ ʘsãrẽ sícãrĩ mee biiro jĩwã: “Cõãmacũrẽ padeorá bóaneõrãrẽ ãsãcã niyerure ticoada”, jĩwã. ⁵ Cúã ãsã wãcũriro nemorõ tiiwá. Cúã marĩ ʘpãrẽ “mʘú booré díçure tiiáda” jĩsuguewa. Too síro ãsãrẽ “múã dutirere tiiáda Cõãmacũ booróbirora” jĩwã. ⁶ Teero tirá, ãsã Titore múã pʘtopʘ wáadutia. Cũũ too sugueropʘ múã pʘto niigũ, niyerure néõnucãyigu. Teeré peotídutira cããrẽ ticocoa. Teero tiirá, múã añurõ useniremena néõnucãriguere diamacú tii yaponóadacu. ⁷ Múã niipetirere añurõ tiiá: Añurõ padeóá; Cõãmacũyere añurõ buea; teeré añurõ masĩã; useniremena añurõ tiiá; ãsãrẽ maĩã. Múã tee niipetirere añurõ tiiróbirora niyeru ticorécãrẽ teerora tiiyá.

⁸ Teeré jĩgũ, múãrẽ dutiré peti tiiróbiro jĩgũ mee tiiá. Yʘú múãrẽ “apemacãrĩ macãrã useniremena niyeru néõtoawa, ãpẽrãrẽ tiiápura” jĩ wedegu, ateré masĩdugaga: “¿Múãcã bóaneõrãrẽ maĩrere ãñoãdari cúãrẽ tiiápuremena?” ⁹ Marĩ ʘpũ Jesucristo marĩrẽ añurõ tiiríguere múã masĩã: Cũũ niipetire cuogú niipacu, marĩye añuré niĩadarere boosãgũ, bóaneõgũbiro wáarigu niiwĩ. Cũũ bóaneõgũ wáariguemena marĩpere pee cʘorábiro wáari tiirígu niiwĩ.

¹⁰ Múãrẽ añurõ niirĩ boogú, yʘú wãcũrere múãrẽ jĩgũda. Biiro niĩã: Iicãmamena múã apemacã macãrã suguero niyeru néõnucãrira niiwã. Teeré

néõrã, ùseniremena néõrira niuwã. ¹¹ Teero tiirá, múã tiinucãrirobirora tii yaponõña. Múã ùseniremena “ticoada” jĩrirobirora teerora tii yaponõña. Múã ticodugaro jeatuario ticoya.

¹² Marĩ diamacũrã ticodugari, marĩ ticodugaro jeatuario ticori, Cõãmacũ teeména ùseniqui. Marĩ cuohérere Cõãmacũ sãĩríqui.

¹³ Múã ãpẽrãrẽ tiiápujĩrã, múãpere cuohéra putuári booríã. ¹⁴ Sĩcãrĩbíro cuorí booa. Mecũtígã múã cuoréména cúã boorére tiiápuã. Too síropũ cúãcã cúã cuoréména múã boorére tiiápuadacua. Teero tiirá, sũcãrĩbíro cuoádacu. ¹⁵ Tee Cõãmacũye jóaripũpũ biiro jóanoã: “Pee seerígucã cuonetõriwi; péerogã seerígucãrẽ ðusaríwũ”,* jĩĩ jóanoã.

Tito cũũ menamacãrãmena Corintopũ wáaadare

¹⁶ Yũũ múãye maquẽrẽ wãcũã. Yũũ wãcũrõbirora Titocãrẽ Cõãmacũ wãcũrĩ tiiyígũ. Teero tiigã, Cõãmacũrẽ ùsenire ticoa. ¹⁷ Yũũ Titore “Corinto macãrãrẽ ãñagũ wáaya” jĩĩrĩ, máata yũũwĩ. Mecũtígãrẽ cũũ múãrẽ ãñadugajĩgũ, cũũ ãñurõ tusaróména múã putopũ wáagũdaqui. ¹⁸ Titomena ãpĩ ticocoadacu. Cũũ marĩya wedegũ niĩ. Niipetira Jesuré padeoré põnarĩ macãrã cũũrẽ biiro wedeseya: “Cũũ Jesuyé quetire ãñurõ wedei”, jĩĩya. ¹⁹ Apeyecãrẽ, Jesuré padeoré põnarĩ macãrã cũũrẽ beserira niuwã, ùsãmena niyeru néõriguere néewadutira. Ùsã bóaneõrãrẽ niyerure ticora, marĩ Õpũrẽ ãñurõ wedesedutira, teero ticoa. Teero biiri ùsã ùseniremena tiiápuðugarere ãñorã, teero tiia. ²⁰ Ùsã pairó niyeru néõriguere néewara, basocá

* **8:15** Éxodo 16.18.

ūsārē “niyeru tiidiójīyu” jīrī booríá. ²¹ Teero tiirá, ūsā marī Ōpū, teero biiri basocá ññacoropure diamacú tiidugáa.

²² Cúāmena āpī marīya wedegucārē ticoconemoā. Cūū bayiró tiiápudugarere ūsārē naĩrō ēñowī. Mecūtígārē múārē “cúā diamacúrā tiiádacua” jīīgā, nemorō tiiápudugai. ²³ Titoye maquērē āpērā sãñárĩ, biiro jīñña: “Pablo menamacū cūāmena padegú ūsārē tiiápugū niĩĩ”, jīñña. Āpērā puarārē sãñárĩpereja, biiro jīñña: “Jesuré padeoré pōnarĩ macārā cúā ticocorira niĩĩya. Cúā tiirémēna Cristore añurō wedeseri tiiíya”, jīñña. ²⁴ Teero tiirá, maĩrémēna cúārē bocaya. Múā teero tiirí, Jesuré padeoré pōnarĩ macārā múā maĩrēre t̄uoádacua. Ūsā cúārē biiro jīwū: “Corinto macārā basocáre añurō bocaaya”, jīwū. Múā teero tiirí t̄uorá, cúā ūsā jīiriguere “diamacúrā niĩāyu” jīññadacua.

9

Niyeru néõre

¹ Múā niyeru néõrere Jesuré padeoráre ticoadare maquērē jóanemoria; múā masĩtoaa. ² Yūū múā tiiápudugarere masĩtoaa. Ūseniremena Macedonia macārārē biiro wedea: “Iicūmāmena Acaya* dita macārā ‘t̄iiápuada’ jīññucāwā”, jīññ wedea. Teeré t̄uorá, paū Macedonia macārā “ūsācā t̄iiápuada” jīññwā. ³ Teero niipacari, Titore cūū menamacārāmena múā p̄top̄u ticocoguda. Yūū Macedonia macārārē jīiriguere diamacú

* **9:2** Corinto Acaya ditap̄u niĩyiro.

wáari booa. Y_{HH} “Corinto macãrã niyeru néõ, c_{HOY}úeadacua” jĩwũ. ⁴ Apetó y_{HH} múã p_{TOP} wáari, Macedonia macãrã y_{HH}mena wáabocua. Úsã toopú jeara, múã niyeru néõhërã niirĩ b_Hajeádugariga. Y_{HH} “cúã néõtoajĩya” jĩrigue wapa bayiró bobooro wáabocu. Múãcã teerora bobobócu. ⁵ Teero tiigú, y_{HH} biiro wácũã: Y_{HH} múã p_{TOP} wáaadari s_{UGU}ero, Titocãrẽ wáadutia. Cúã múã “ticoada” jĩ néõrere quënos_{UGU}éadacua. Cúã teero tiirí, úsã jeaadari s_{UGU}ero, múã c_{HO}tóaadacu. Teero tiirá, ãpërã múãrẽ “ticoya” jĩripacari, múã wácũrõ ticoadacu.

⁶ Múã ateré wácũña: Oterí basocu péerogã oteri, péerogã d_{UC}acutiri ññaqui. Pee oterigupeja pee d_{UC}acutiri ññaqui. ⁷ Marĩ “nocõrõ ticoguda” jĩ t_{UGU}gueñarõcõrõ ticoro booa. Marĩ ticod_{UGA}hera, o ãpërã ticodutiri ññañarõ t_{UGU}gueñarã, ticorijãrõ booa. Úseniremena ticoráre Cõãmacũ maĩquí. ⁸ Cõãmacũ niipetire ãñuré múãrẽ ticonemomasĩ. Cũũ teero tiirí, múãrẽ d_{US}ariadacu. Múãrẽ ticorém_{EN}a múãpe ãpërãrẽ tiípumasĩadacu. ⁹ Tee Cõãmacũye queti jóaripũ_{PH} biiro jóanoã:

Ãñugú bóaneõrãrẽ ãñurõ ticoqui.

Teero tiiró, cũũ ãñurõ tiiré niirucujããdacu,[†] jĩ jóanoã. ¹⁰ Cõãmacũrã niirĩ oteréperire ticogú, teero biiri yaarére ticogú. Tee tiiróbiro cũũrã múãcãrẽ niipetire múã c_{HO}ádarere ticogudaqui. Oteréperi wii d_{UC}acutirobiro múã c_{HO}rére nemorõ wáari tiigúdaqui. Teeména múã ãpërãrẽ ãñurõ tiípumasĩadacu. ¹¹ Teero tiirá, pee c_{HO}jĩrã, ãpërãrẽ tiíp_Uadacu. Múã ticorére úsã ticobosari, tee

[†] 9:9 Salmo 112.9.

niyerure ñeerã Cõãmacũrẽ usenire ticoadacua. ¹² Múã Cõãmacũrẽ padeorã bóaneõrãrẽ tiiápura, cúãrẽ dusaré díçure ticora mee tiia; Cõãmacũcãrẽ usenire ticora tiia. ¹³ Múã cúãrẽ tiiápurementa múã Cristoyere padeorere, cúũrẽ yũrere ãñoã. Cúã teeré ñnarã, Cõãmacũrẽ usenire ticoadacua. Teero biiri múã cúãrẽ, niipetirare tiiápuri ñnarã, teeré tiiádacua. ¹⁴ Cúãcã Cõãmacũ múãrẽ ãñurõ tiirere ñnarã, bayiró maíremena Cõãmacũrẽ múãye niiãdarere sãibosáadacua. ¹⁵ Cũũ marĩrẽ ticorigue ãñunetõjõãre niiã. Tee ãñunetõjõãre dee jĩ wedese-masĩna maniã. Teero tiirá, Cõãmacũrẽ usenire ticoada.

10

Pablo “apóstol niiã” jĩ wederigue

¹ Yũũ Pablo múãrẽ tiidutíyũ. Yũũrã niiã basocã biiro jĩ wãcũnorigũ: “Cũũ marĩmena niigã, bári niigũbiro wedesei; marĩrẽ jóagupe, tutuaromena jóai”, jĩcua. Múã Cristo niirecutirere masĩã; cúũ bóaneõ ñnarémena tiidutíyũ. ² Teero tiigũ, yũũ cúũ tiiróbiro niidũgagũ, ateré múãrẽ tiidutía: Yũũ múã pũtopũ jeari, múã sĩquẽrãmena tutuaromena wedeseri tiirĩjãña. Sĩquẽrã múã menamacãrã usãrẽ biiro jĩãyira: “Cúã atibúreco macãrã tiiróbiro Cõãmacũ booré tiirícua”, jĩãyira. Yũũ teero jĩrãnorẽ diamacũrã tutuaromena wedesegũda. ³ Usã atibúrecopũ niipacara, atibúreco macãrãbiro câmerĩquẽria; Cõãmacũ wãmocutire ticorémenape câmerĩquẽã. ⁴ Usã wãmocutire atibúreco maquẽ mee niiã; ãmũãse maquẽ, Cõãmacũ tutuare cuorẽpe niiã. Teeména ñnaré tutuarere docacũmurĩ tiia.

⁵ Cõãmacũ wãmocutíremena basocá cúa wãcũrémena buerére diocóa. Cúa wederémema múãrẽ pãnarĩ tiidugácu; múã Cõãmacũrẽ masĩrĩ boorícua. Ûsã cúa buerére diocóari siro, Jesús boorépere cúa rẽ tiidutía. ⁶ Múa Cristo dutirére añurõ yũuri ññaari siro, ùsã biiro tiimasĩadacu: Niipetira netõnucãrãrẽ ññaarõ tiiadacu.

⁷ Múa sotoá maquẽ dícare ññaã. “Cristomena niiã” jĩgũno ateré masĩrõ booa: Cũũ diamacú Cristomena niigũ, “Pablocã Cristomenarã niĩya” jĩ masĩgũdaqui. ⁸ Yũũ múãrẽ wedegũ, ùsã dutirére “jĩnemosãnu wedetũ” jĩpacũ, boboría. Marĩ Òpũ ùsãrẽ tee dutirére ticorigũ niiwĩ, múã cũũrẽ padeonemóãrõ jĩgũ. Múa padeorére ññaõãrõ jĩgũ mee tee dutirére ticorigũ niiwĩ. ⁹ Yũũ jóarepũrĩmena múãrẽ ucũá dutigũ mee jóaa. ¹⁰ ãpẽã yũũre biiro jĩcua: “Cũũ jóare bayiró tutuaremena dutia. Cũũ baurocápereja tutuhegũbiro bauwĩ. Cũũ wedeserecãrẽ bayiró tusaya maniã”, jĩcua. ¹¹ Yũũre teero jĩrãno ateré masĩrõ booa: Ûsã yoaropũ niirã jóacoriobirora múã pũtopũ jearacã, teerora tutuaromena wedeseadacu.

¹² Siquẽrã múã watoapũ niirã cúa basiro cãmẽrĩ padeorã biiro jĩcua: “Marĩpeja añurõ tia”, jĩ cãmẽrĩ wedesecua. Teero jĩ wedesepacara, masĩricua. Ûsãpe cúa tiiróbiro ùsã añurõ tiirére péerogã wedeseñaria; yũũ tiiré cúa tiirémema queodugária. ¹³ Ûsã tiiríguere jĩnemosãnu wederia. Cõãmacũ ùsãrẽ Cristoye quetire wededutirigũ niiwĩ. Cũũ tiidutíre dícare tia. Cũũrã ùsãrẽ múã pũtopũcãrẽ tee quetire wededutirigũ niiwĩ. ¹⁴ Teero tiirã, múã pũtopũ wáara,

Cõãmacũ wáadutiheropũ wáara mee tiia. Múãmena niisuguewũ. Ʋsãrã múãrẽ aññuré “Cristo basocáre netõnéĩ” jĩrẽ quetire wedesuguewũ. ¹⁵ Ʋsãrẽ Cõãmacũ wededutigũ cũũriro jeatuaro wedea. Āpẽrã tiiríguepũre “yũũ tiirígue niĩã” jĩria. Teero jĩrõno tiirã, múãrẽ padeonemórĩ tiidugáa. Múã padeonemórĩ Ìñarã, ùsã múãrẽ nemorõ buemasĩã. Cõãmacũ ùsãrẽ cũũriro jeatuaro bueadacu. ¹⁶ Too síro múã nemorõ niiré macãrĩpũ Jesuyé quetire wedeguda. Cũũye quetire wedeya maniré macãrĩpũ wáadugaga. Āpẽrã cúã paderiguepũre “yũũ paderé niĩã” jĩdugahegũ, teero tiidugáa.

¹⁷ Cõãmacũye queti jóaripũpũ ateré jóanoã: “‘Yũũja aññunetõjõãgũ niĩã; biiro tiigũno niĩã’ jĩdugagũno jĩrijãrõ booa. Biirope jĩrõ booa: ‘Marĩ Ōpũ aññunetõjõãgũ niĩĩ; biiro tiirígue niiwĩ’, jĩrõ booa”,* jĩ jóanoã. ¹⁸ Sícũ cũũ basiro wedesegũ “yũũ aññurõ tiia” jĩgũrẽ “cũũ aññugũ niĩĩ” jĩmasĩña maniã. Marĩ Ōpũ sícũnorẽ “aññugũ niĩĩ” jĩrĩ, aññugũ peti niĩĩ.

11

Pablo jĩĩditori buerí basocare jĩirigue

¹ Mecãtígã múãrẽ yéequẽ wededugaripacũ, wedeguda. Yéequẽ wedegũ, jĩĩmagũ tiiróbiro tũgueñaã. Yũũ jóarere páasutiro manirõ bueri boogá. ² Cõãmacũ cũũ põnarẽ ãpĩrẽ padeorĩ booriqui. Cũũ múãrẽ doerobirora yũũcã múãrẽ doea. Múã yũũ Cristoyere wederi tuorã, padeowá. Teero tiigũ, Cristo múã manũ niigũdũbiro niĩĩ.

* **10:17** Jeremías 9.4.

Múã sícõ numiõ manucutigodo tiiróbiro niiã. Sícõ numiõrẽ ñañaré manigõrẽ wiyagúdubiro múãrẽ wiyadugága. ³ Teero wiyadugápacu, Evare wáarirobirora múãcãrẽ “wáabocu” jĩgũ, bayiró wãcũã. Pĩno ãñurõ cũũ jĩditomeniremena coore jĩcõãsãyigu. ãpẽrã cũũbiro jĩditora, múã “Cristo booré dícare diamacũ tiiáda” jĩ wãcũrere wasorí tiibócu. ⁴ Múã biiro tiiáyiro: ãpẽrã múãrẽ buera jeari, merẽã wedepacari, múã ãñurõ tɔousénicu. Cúãpe ãsã Jesuyere diamacũ wederirobirora wedericua. Espíritu Santoyere merẽã bueri, cúã buerere ñeeãyiro. Cõãmacũ basocáre netõnére quetire cúã bueri, merẽã niipacari, múã ãñurõ tɔocú. ⁵ Múãrẽ buerá Jesús cũũyere wededutigũ beserira nemorõ tɔgueñacua. Yũupe “cúã docapu niiã” jĩ tɔgueñaria. ⁶ Yũũ ãñurõ wedeseri basocu tiiróbiro wederipacu, Cõãmacũyepere ãñurõ masiã. Tee masĩrere niipetire yũũ tiirémena múãrẽ ãñoãwũ.

⁷ Yũũ Cõãmacũyere basocáre netõnére quetire wederé wapa múãrẽ wapaséhegu, ¿ñañarõ tiiri? Buri niigũbiro pade, wapatá, yaawũ múãrẽ netõnére maquẽrẽ boosãgũ. ⁸ Yũũ múãrẽ tiiápugu, ãpẽrã Jesuré padeorẽ põnarĩ macãrã yũũre niyeru ticocorira niwã. Yũũ teeré ñeegũ, cúãye niyerure néedɔogabiwo tɔgueñawũ. ⁹ Yũũ múãmena niigũ, apeyenó dusarĩ ññagũ, sícũrẽ potocõriwũ. Marĩya wedera Macedonia macãrã jeara, yũũre dusarénorẽ ticowa. Teero tiigũ, múãrẽ sã potocõriwũ. Teerora yapacutĩjãgũda. ¹⁰ Yũũ diamacũrã Cristoye maquẽrẽ masiã. Teeré

masĩrõbirora atecãrẽ masĩã: Y_{HH} bueré wapa apeyenó sãĩricu; sĩcũ Acaya dita macũ “Pablo cũũ bueré wapa wapaséi” jĩĩmasĩriqui. ¹¹ ¿Deero tiigú biiro wedesegari y_{HH}? ¿Múãrẽ maĩhẽgũ teero jĩĩgarite? Niiria. Y_{HH} múãrẽ maĩrere Cõãmacũ masĩqui.

¹² Y_{HH}peja y_{HH} tiirucúrobirora tiirucúgũda. ãpẽãpẽja y_{HH} tiiróbiro “tiirá tiia” jĩĩmicua. Teero tiirícua. Cũã bueré wapare wapasécua; y_{HH}pe wapaséria. Teero tiirá, cũã “ãpẽã Jesús beserira tiiróbiro tiia” jĩĩmasĩricua. ¹³ Cũã “Jesús cũũyere wededutigu beserira niiã” jĩĩrã, teero jĩĩamajãrã tiíya. Cũã tiiditóra niíya. Sotoá dícu Jesús beserira tiiróbiro bauúya. ¹⁴ Teero tiiré wisióricu. Satanácã teerora tiimasĩqui. Apetó cũũ ángele ãñugábiro, asibatégũbiro baugú wáaqui. ¹⁵ Teero tiirá, cũũrẽ padecoteracã cũũ tiiróbiro tiicúa. Sotoá dícu ãñurẽ tiirábiro baucúa. Cũãpeja cũã ñañaré tiiré wapa pecameru yapacutidiaadacua.

Pablo ñañarõ netõríque

¹⁶ Y_{HH} too suguero jóarirobirora múãrẽ jóanemogũda. Yéé maquẽrẽ wededugaripacu, wedegũda. Teeré y_{HH} wederi, “¿apeyé cũũye maquẽ dícare wedejĩgũ, mecũgú tiii?” jĩĩ wãcũrijãña. Teero wãcũrãpeja, “cũũ booró wedejããrõ” jĩĩña ména. ãpẽã cũãye maquẽcãrẽ bayiró wedecua, múãrẽ padeoáro jĩĩrã. Teero tiigú, y_{HH}cã y_{HH} tiiriguere péro wedegũda. ¹⁷ Marĩ Òpũ teenórẽ wededutiririgu niimiwĩ. Teero tiigú, “mecũrĩ basocũbiro wedegũda” jĩĩã. ¹⁸ Pa_{HH}

múārē buerá noo booró cúã basiro dícu añurõ wedeseya. Cúã teero tiirí, yuccã yuu basiro añurõ wedeseguda. ¹⁹ Múã “masinetõrã niiã” jĩ wãcũrã niipacara, mecũrĩ basoca wedeseri, añurõ useniremena nũcãjãmasĩcu. ²⁰ Biiro tiirácãrẽ nũcãjããyiro: Múārẽ dutiaperare, múáyere néerãrẽ, múārẽ dutirãbiro tiíaperare, múã nemorõ uputí macãrãbiro múārẽ tiirãre, múārẽ diaporũ páaracãrẽ nũcãjããyiro. ²¹ ¿Añujãĩ múārẽ cúã teero tiirí? Acuéi, ¿cúã tutuanetõjõãrã niiĩ? Ɔsãpe cúãbiro tutuaria. Teero tiirã, cúãbiro ñañarõ tiiría.

Cúã “biiro biia ùsãjã” jĩ añurõ wedecua. Teero tiigú, yuccã cúãbirora yéequerẽ wedeguda, wededugaripacu. ²² Cúã “hebreoa niiã” jĩcua. Yuccã cũũrã niiã. Cúã “Israelya põna macãrã niiã” jĩcua. Yuccã cũũrã niiã. Cúã “Abraham pãrãmerã niinũusera niiã” jĩcua. Yuccã cũũrã niiã. ²³ Cúã “Cristore padecotera niiã” jĩcua. Yũpeja cúã nemorõ cũũrẽ padecotegu niiã. Yuu teero jĩgũ, wedeseãmagũbiro wedesea. Yuu cúã nemorõ padenetõnũcãwũ. Cúã nemorõ peresuwiseripu sõneconowũ. Yũre cúã nemorõ tãnawã. Pee sãĩrĩquioro niĩwũ. ²⁴ Judíoa sicamoquẽne yũre ñeenũcõjĩrã, wecu caserodamena tãnawã. Cúã yũre tãnarécõrõ treinta y nueve tãnawã. ²⁵ Ɔtĩãrĩ yucũména yũre páawa. Sícãrĩ ùtãperimena yũre déewa. Ɔtĩãrĩ ùsã wãari, dooríwũ duadiawũ. Sícãrĩ duagu, sicañami, sicabũreco tiimaapũre pasawũ. ²⁶ Pee wãanetõwũ. Díare tĩãwagu, duariquioro netõwũ. Yaarí basoca watoa, yãa wedera judíoa pũtopũ, judíoa niĩhẽrã pũtopũ

quiorémena wáanetõwũ. Teero biiri macãpũre, basocá manirõpũre, día pairímaapũre quiorémena cãmesãwũ. “Jesuré padeorá niiã” jĩditori basocá watoapũcãrẽ quiorémena cãmesãwũ. ²⁷ Yũũ padegũ, ñañarõ netõwũ. Pee ñamirĩ cãniríwũ. Jũabóawũ. Oco sĩnidugáwũ. Pee betiwũ. Yũũábũawũ. Apetóre yũũre suti maniwũ.

²⁸ Apeyeréja, búrecoricõrõ yũũ niipetiro macãrãrẽ Jesuré padeoré põnarĩ macãrãrẽ bayiró wãcũã. ²⁹ Tutuhegũno niirĩ, yũũcã cũũbirora tutuhegũ tũgueñaapua. Sícũrẽ ãpẽrã ñañaré tiidutíri, cũũ ñañaré tiirĩ, yũũ ñañaré tiidutíramena cúaa. ³⁰ Yéee maquẽrẽ wedegũ, “biiro tiigũno niiã yũũja” jĩria. Teero jĩrõno tiigũ, “yũũ tutuhegũ niiã” jĩã. ³¹ Cõãmacũ marĩ Õpũ Jesús Pacũ yũũ wederere “jĩditogũ mee tiii” jĩĩmasĩqui. Cũũrẽna usenire tiorucujãrõ booa. ³² Yũũ Damascopũ niirĩ, tiimacã dutigũ yũũre ñeedugagũ, biiro tiirigũ niiwĩ: Tiimacã witiware soperipũre surarare cũũrigũ niiwĩ cotedutigũ. Cũũ tiidita õpũ Aretas wãmecutigũ doca macũ niiwĩ. ³³ Yũũ menamacãrãpe yũũre biiro tiiwá: Piimena tiimacã sãnirõ macã sopegãpũ duunũnũsediocowa. Teero tiigũ, yũũ cũãrẽ ñeõrĩwũ.

12

Pablo quẽẽrõpũ tiiróbiro ññarigue

¹ Yéee maquẽrẽ wededũgaripacari, mãã yũũre wederi tiaa sũcã. Yéee maquẽrẽ yũũ basiro ãñurõ wederi, mããrẽ tiiapuria. Teero biipacũ, marĩ Õpũ quẽẽrõpũre tiiróbiro yũũre ãñoriguere wedegũda. ² Cristore padeorí siro, biiro wáawũ:

Quëërõpüre tiiróbiro Cõãmacũ yũure cũũ putopũ néemuãwawi. Teeré yũũ ññari siro, catorce cũmarĩ netõã. Yáa õpũũmena o yeeripũnamena dícu wáagu wáajĩyu; masĩriga. Cõãmacũ dícu masĩqui. ³⁻⁴ Ateré masĩã: Cõãmacũ ãmuãsepũ Paraíso wãmecutiropũ yũure néenjeawi. Yáa õpũũmena o yeeripũnamena dícu néewagu néewajĩyi; masĩriga. Cõãmacũ sícũrã masĩqui. Yũũ toopú niigũ, basocãre wedemasĩña manirere wedeseri tuowú. Yũũ toopú tuorigue basocãre wededutire mee niiwũ. ⁵ Yũure toopú néewariguere ãñurõ wedeguda. Yũũ ãñurõ tiiriguepereja wederia. Yũũ “basocú dícu niijĩgũ, tutuhegũ, ññañarõ netõã” jĩrere ãñurõ wedeguda. ⁶ Teero jĩpacũ, yũũ basiro ãñurõ wedesedugagũ, wedesemasĩã. Diamacú maquẽrẽ wedeseri, “mecũrĩ basocũ niĩ” jĩmasĩriya. Yée maquẽrẽ wedesemasĩpacũ, wedeseria. Yũũ basiro yũũ ãñurõ wedeseremena yũure padeorĩ boorĩa. Yũũ tiirere ññatoarapũ, yũũ wederere tuotóarapũ, padeorĩ booa.

⁷ Cõãmacũ yũure ãñorigue ãñurẽ peti niiwũ. Yũũ teeré wãcũgũ, yũũ basiro “ãñugũ niĩã” jĩrĩquio niiwũ. Teero tiigú, Cõãmacũ yũure teero wãcũrĩ jĩgũ, biiro tiiwĩ: Satanás yáa õpũũrẽ pũnirõ tiirĩ, teero ññajãrigũ niiwĩ. Tee pũnirẽ potaga sããwarobiro pũniã. ⁸ Itĩãrĩ yũũ marĩ Õpũrẽ “tee pũnirere netõñeña” jĩ sãĩmíwã. ⁹ Cũũpe yũure ateré jĩwĩ: “Yũũ mũũrẽ ãñurõ tiia. Teero tiiró, mũũrẽ apeyenó dusarĩa. Basocá tutuhera niirĩ, yũũ tutuarere nemorõ ãñomasĩã”, jĩwĩ. Teero tiigú, yũũ tutuhegũ niirémema useniã. Yũũ tutuheremena Cristo cũũ tutuarere ãñurõ ãñoĩ. ¹⁰ Teero tiigú, yũũ tutuhegũ niirere useniremena nũcãjãã.

Yꝯꝯ Cristore padeoré wapa ãpẽrã yꝯꝯre ñañarõ jĩĩpacari, yꝯꝯre apeyenó dꝯsapacári, ãpẽrã yꝯꝯre ñañarõ tiipacári, yꝯꝯre wisiorere tꝯgueñapacꝯ, ꝯseniremena nꝯcãjãã. Nemorõ tutuhegꝯ niirõno tiigú, nemorõrã tutuanemogũ wáaa.

Corinto macãrãrẽ Pablo bayiró wãcũrique

11 Yꝯꝯ basiro yéẽ maquẽrẽ ãñurõ wedesegꝯ, mecũgúbiro wedesegꝯ tiia. Múãpeja yꝯꝯ wedesedꝯgaherere yꝯꝯre wedeseri tiia. Múã yꝯꝯre ãñurõ wedeseatã, ãñunibojĩyu. Múãrẽ jĩĩditoremena buerá Jesús cũyere wededutigꝯ beserira nemorõ tꝯgueñacua. Yꝯꝯre “cúã docapꝯ niiã” jĩĩ tꝯgueñaria. Yꝯꝯ búri niigú niipacꝯ, teero bueãmajãrã doca niiria. 12 Yꝯꝯ múã pꝯtopꝯ niigũ, potocõrõ manirõ pee Cõãmacũ dícu tiimasĩrere tiĩẽñowũ. Teeména diamacárã “yꝯꝯ Jesús cũyere wededutigꝯ beserigꝯ niiã” jĩĩrére ãñowú. 13 ãpẽrã Jesuré padeoré põnarĩ macãrãrẽ, múãcãrẽ sícãrĩbíro tiiwú. Ate dícuere tiiríwꝯ: Múãrẽ wapasériwꝯ. Múã tꝯgueñarĩ, teeména ¿múãrẽ ñañarõ tiirí? Ñañaãtã, yꝯꝯre acabóya.

14 Yꝯꝯ múã pꝯtopꝯ wáaguda jĩĩgũ, quẽnotóaa. Mecãtígã yꝯꝯ wáaremena itĩãrĩ wáaadacu. Toopú jeagꝯ, múãrẽ “niyeru ticoya” jĩĩ potocõricu. Múãyere booríã; Cristoyepere múãrẽ tiinemórĩ booa. Múã masĩã: Basocá cúã pacꝯsũmũãrẽ niyerure quẽnocũbosaricua; pacꝯsũmũãre cúã põnarẽ niyerure quẽnocũbosacua. 15 Teero tiigú, yꝯꝯ cꝯorócõrõ múãrẽ tiíapuguda. Niipetire yꝯꝯ tutuaremena múãye niĩãdarere tiíapuguda. Teero

yuu múãrẽ bayiró maĩrĩ, ¿deero tiirá múãpeja yuure ðuaró maĩgári?

16 Yuu múãrẽ potocõririguere masĩpacara, bi-iro jĩcua: “Cũũ meniĩgũ, marĩrẽ jĩditoqui; too síro marĩyere néewagudaqui”, jĩcua. 17 ¿Yuu múã puto ticocoriramenena yuu múãyere jĩditoremena ãmarĩ? Ëmariwũ. 18 Yuu Titore múã putopũ wáadutiwũ. Teero biiri ãpĩ Jesurẽ padeogú marĩya wedegure cãmenena ticocowũ. ¿Tito múã putopure jĩditoremena múãyere ãmarĩ? Ëmariyigu. Múã ãñurõ masĩã: Ësã Titomena sícãrĩbíro tiirá niĩã. Cũũcã múãrẽ buegu, ãñurẽ díçure tiirígu niiwĩ.

19 Apetó tiirá, múã ãsãrẽ “ãñurõ wãcũdutira tiĩya” jĩ wãcũbocu. Niiria. Biirope niĩã: Ësã Cõãmacũ ññacoropure Cristomena niĩjĩrã, wedesea. Yuu maĩrã yãa wedera, niipetirere ãsã wedesea, múãrẽ Cõãmacũrẽ nemorõ padeonemóãrõ jĩrã. 20 Apetó tiirá, yuu múã putopũ jeari, yuu booróbiro tiiríbocu. Teerora yuupecã múã booróbiro tiiríbocu. Teerẽ wãcũgũ, cuĩga. Apeyerėja, yuu múãrẽ “bi-iro tiibócu” jĩ wãcũã: “Cãmerĩtutira, ññatutira, cúara, cúãye díçure wãcũrã, queti jĩrã, ãpẽrãrẽ ññañarõ jĩrã, ‘ũsãjã ãpẽrã nemorõ ãñunetõñçãã’ jĩrã, noo booró tiĩãmajãrã tiibócu”, jĩga. 21 Teero tiigú, múã putopũ wáanemorĩ, Cõãmacũ yuu Õpũ múã ññañarẽ tiirucúre wapa yuure bobooro wáari tiibóqui. Múã ãpẽrãména múã booró ññañarõ ññeaperere, múã ññamosãnumiã múã manũsũmũã niihẽrãrẽ ññeaperere, múã boboró manirõ tiirére washére wapa bayiró utibocu.

Wedeyaponorigue

1 Mecütigã yuu múã putoꝝ wáaadaremena itĩãrĩ wáaadacu. Yuu toopá jeari, sícũ ãpĩrẽ wedesãdugagu, Cõãmacũye queti jóaripũꝝ jĩrõbirora tiáro. Biiro jóanoã: “Puarã, itĩãrã ññari siro, marĩ ãpẽrã tiiríguere wedesãmasĩnoã”.

2 Too sugueropũ múã putoꝝ jeagu, “ñañaré tiirére ñañarõ tiigúdacu” jĩ wedetoawũ. Teero biiri niipetirare wedetoawũ. Mecütigã yoropũ niipacu, wedenemoã sũcã: Yuu múã putoꝝ wáanemogũ, ñañaré tiirére bóaneõ ññaricu sáa.

3 Teero tiirá, múã ateré diamacú masĩadacu: Cristo yuupure wãcũré ticorémena wedesea. Cristo múãrẽ dutigú tutuhegu niiriqui; múã watoapure tutuanetõjõãgũ niĩ. 4 Ate diamacúrã niĩ: Cũũ curusapũ tutuhegubiro páabiatunoyigu. Teero tiinorigũ niipacu, cũũ Pacũ tutuaremena catii. Ësãcã cũũbirora tutuhera niĩã, niirãpeja. Teero niipacara, cũũmena niijĩrã, Cõãmacũ tutuaremena catia. Teero tiirá, tee tutuaremena múãrẽ wedera, tiípuadacu.

5 Múã basiro ateré naĩrõ sãĩñáña: “¿Diamacúrã Jesuré padeorára niĩ marĩ?” jĩñã. Múã basiro teeré ññate. ¿Múã masĩrite Jesucristo múãmena niirére? Masĩcu sáa. Apetó tiirá, diamacú cũũrẽ padeorícu.

6 Ësãpe diamacúrã cũũrẽ padeóa. Múãrẽ teeré masĩrĩ booa. 7 Ësã múãrẽ ñañaré tiirijããrõ jĩrã, Cõãmacũrẽ sãĩbosáa. Basocá yuure “Corinto macãrãrẽ ãñurõ padeorí tiiwí” jĩrere ãmaãgũ mee tiia. Múã ãñurere tiirí boogá. Ësãrẽ “teero jĩãmajãrã tiiwá” jĩrĩ, ãñuniã. 8 Múã diamacú maquẽrẽ tiirí, ãsã “teerora tiiyá” jĩãdacu; diamacú

maquẽrẽ cãmotária. ⁹ Æpẽrã ùsãrẽ tutuherabiro ñnarĩ, ãñuniã. Múãpe padeotutúara niirĩ, ùseniã. Teero tiirá, múãrẽ Cõãmacũrẽ sãĩbosánemoãdacu, diamacũrã padeorá niiãrõ jĩrã. ¹⁰ Yũũ múã pũtopũ wáaadari sũguero, atipũrẽ jóaa. Toopũ jeagũ, tutuaromena múãrẽ dutidũgariga. Marĩ Õpũ yũũ múãrẽ dutimasĩrere ticorigũ niiwĩ. Tee dutirẽmena múãrẽ padeonemórĩ boosãã; múã padeorẽre ñañodũgária.

¹¹ Yáa wedera, múãrẽ ãñurõ wáaaro. Múã ñañaré tiirere quẽnoñá. Cãmerĩ wãcũtutuari ti-iyá. Sĩcãrõména ãñurõ niirecutiya. Teeré tiirĩ, Cõãmacũ marĩrẽ maĩgũ marĩrẽ ãñurõ niirecutirere ticogũ múãmena niigũdaqui. ¹² Múã basiro cãmerĩ maĩrẽmena ãñudutiya. ¹³ Niipetira Jesuré padeorá múãrẽ ãñudutiya.

¹⁴ Jesucristo marĩ Õpũ múã niipetirare ãñuré ticoaro. Cõãmacũ múãrẽ maĩgũ múãmena niiãrõ. Espiritu Santo múãrẽ bapacutiaro.

Nocõrõrã jóaa.

Cõãmacũ mecũã wedesei New Testament in Tuyuca

copyright © 2011 Wycliffe Bible Translators, Inc.

Language: Tuyuca

Translation by: Wycliffe Bible Translators, Inc.

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Tuyuca

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-08-06

PDF generated using Haiola and XeLaTeX on 22 Feb 2024 from source files
dated 29 Jan 2022
a71ca523-cda5-572a-9b0b-61d9ea37d1a8